

**БОСНА И ХЕРЦЕГОВИНА**  
**ПАРЛАМЕНТАРНА СКУПШТИНА**  
**БОСНЕ И ХЕРЦЕГОВИНЕ**  
**ДОМ НАРОДА**



**BOSNA I HERCEGOVINA**  
**PARLAMENTARNA SKUPŠTINA**  
**BOSNE I HERCEGOVINE**  
**DOM NARODA**

Комисија за спољну и трговинску  
политику, царине, саобраћај и  
комуникације

Komisija za vanjsku i trgovinsku  
politiku, carine, saobraćaj i komunikacije  
Povjerenstvo za vanjsku i trgovinsku  
politiku, carine, promet i veze

---

Broj: 02/2-50-8-23-2/22  
Sarajevo, 27. 3. 2023.

**PRIJEDLOG**

**IZVJEŠTAJ O RADU**  
**KOMISIJE ZA VANJSKU I TRGOVINSKU POLITIKU, CARINE,**  
**SAOBRAĆAJ I KOMUNIKACIJE**  
**DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1. 1. DO 31. 12. 2022.**

**Sarajevo, januar 2023.**

## **S a d r Ź a j**

### **UVOD**

### **POGLAVLJE I. Sjednice Komisije**

**ODJELJAK A. Statistički podaci o sjednicama**

**ODJELJAK B. Zakonodavne aktivnosti**

**ODJELJAK C. Međunarodni sporazumi**

**ODJELJAK D. Godišnji izvještaji**

**ODJELJAK E. Ostali izvještaji i informacije**

**ODJELJAK F. Zaključci Komisije**

### **POGLAVLJE II. Ostale aktivnosti Komisije**

**ODJELJAK A. Međunarodne aktivnosti**

### **POGLAVLJE III. Rezime**

#### ***Prilozi***

*Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2022.*

*Tabela 2. Prisustvo sjednicama Komisije, 1. 1 - 31. 12. 2022.*

*Prilog 3: Međunarodni sporazumi*

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH”, br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

## **IZVJEŠTAJ O RADU**

(za period od 1. 1. do 31. 12. 2022)

### ***Uvodne napomene***

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;

- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

## **POGLAVLJE I. SJEDNICE KOMISIJE**

### **Odjeljak A. Statistički podaci o sjednicama**

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: “Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.“

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda su: Amir Fazlić, predsjedavajući, Marina Pendeš, prva zamjenica, i Dušanka Majkić, druga zamjenica predsjedavajućeg, Munib Jusufović, Zlatko Miletić i Mladen Bosić, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavite pitanje u vezi s materijalom o kojem se raspravlja.

Komisija je u izvještajnom periodu održala šest sjednica:

- 19. sjednica	22. 2.	11 tačaka dnevnog reda
- 20. sjednica	23. 3.	3 tačke dnevnog reda
- 21. sjednica	12. 5.	16 tačaka dnevnog reda
- 22. sjednica	14. 6.	10 tačaka dnevnog reda
- 23. sjednica	26. 7.	8 tačaka dnevnog reda
- 24. sjednica	23. 8.	5 tačaka dnevnog reda

Na sjednicama Komisije u 2022. godini razmatrane su ukupno 53 tačke dnevnog reda, što je u prosjeku 9 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije Nenad Pandurević, stručna savjetnica Kristina Milošević, te od 1. 11. 2022. stručna saradnica Jelica Golijanin.

## **Odjeljak B. Zakonodavne aktivnosti**

U izvještajnom periodu od Vijeća ministara Bosne i Hercegovine i od ovlaštenih predlagača Komisiji nije dostavljen nijedan zakon na razmatranje.

## **Odjeljak C. Međunarodni sporazumi**

U navedenom periodu razmatrana su ukupno 33 međunarodna pravna akta. Spisak razmatranih međunarodnih sporazuma nalazi se u prilogu ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

## **Odjeljak D. Godišnji izvještaji**

U toku 2022. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2020. godinu u dijelu nadležnosti Komisije
2. Izvještaj o radu i poslovanju BHRT-a za 2020. godinu
3. Programski i finansijski plan BHRT-a za 2021. godinu
4. Izvještaj o radu i Finansijski izvještaji Agencije za poštanski saobraćaj Bosne i Hercegovine za 2021. godinu
5. Izvještaj o radu Državne regulatorne komisije za električnu energiju u 2021. godini

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

## **Odjeljak E. Ostali izvještaji i informacije**

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Informacija o trenutnom stanju u Izvozno-kreditnoj agenciji BiH uzrokovanom blokadom glavnog transakcijskog računa (broj: 01,02-50-18-1232/21 od 17. 6. 2021)
2. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2021. godinu
3. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2022. godinu

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

## **Odjeljak F. Zaključci Komisije**

Komisija je u izvještajnom periodu na sjednicama razmatrajući dostavljene materijale usvojila dva zaključka.

- Na 21. sjednici, održanoj 12. 5. 2022, razmatrajući davanje saglasnosti na međunarodne sporazume usvojen je zaključak:

*Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH zahtijeva od Vijeća ministara BiH odgovor zbog čega dolazi do tako dugog vremenskog razmaka između zaključivanja međunarodnih sporazuma i njihovog upućivanja u postupak ratifikacije.*

*Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH zahtijeva od Vijeća ministara BiH da preduzme sve neophodne korake da se taj vremenski razmak između zaključivanja međunarodnih sporazuma i njihovog upućivanja u postupak ratifikacije skрати na najmanje moguće vrijeme.*

*Vijeće ministara nije dostavilo nikakav odgovor po ovom zaključku.*

- Na 22. sjednici, održanoj 14. 6. 2022, prilikom razmatranja Međunarodnog sporazuma između Vijeća ministara Bosne i Hercegovine i Vlade Republike Srbije o pograničnom saobraćaju usvojen je zaključak:

*Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH traži od Vijeća ministara BiH da, uz uvažavanje ustavnih i zakonskih nadležnosti, preduzme sve neophodne aktivnosti kako bi došlo do zaključivanja i ratifikacije sporazuma o granici sa susjednim zemljama.*

*Vijeće ministara BiH po ovom zaključku Komisiji nije dostavio nikakav odgovor.*

## **POGLAVLJE II. OSTALE AKTIVNOSTI KOMISIJE**

### **ODJELJAK A. Međunarodne aktivnosti**

#### **Sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Komisije za vanjske poslove Velike narodne skupštine Republike Turske**

U okviru posjete delegacije Komisije za vanjske poslove Velike narodne skupštine Republike Turske Parlamentarnoj skupštini Bosne i Hercegovine, 23. 2. 2022. održan je sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Komisije za vanjske poslove Velike narodne skupštine Republike Turske.

U ime Komisije za vanjsku i trgovinsku politiku, carine, saobraćaj i komunikacije Doma naroda sastanku su prisustvovali: Amir Fazlić, predsjedavajući, i Marina Pendeš, prva zamjenica predsjedavajućeg, te Nenad Pandurević, sekretar, i Kristina Milošević, stručna savjetnica u Uredu sekretara Komisije

Ured sekretara Komisije obavio je sve pripremne aktivnosti te dostavio izvještaj o održanom sastanku.

#### **Sastanak Parlamentarnog plenuma Energetske zajednice, Beč, 4. i 5. 12. 2022.**

Sastanak Parlamentarnog plenuma Energetske zajednice održan je u Beču 4. i 5. decembra 2022.

Marina Pendeš, kao članica Parlamentarnog plenuma Energetske zajednice u ime Parlamentarne skupštine BiH, opravdano je bila spriječena učestvovati na sastanku. Sastanku je prisustvovao Nenad Pandurević, sekretar Komisije.

Ured sekretara Komisije obavio je sve pripremne aktivnosti, te dostavio izvještaj o održanom sastanku.



### **POGLAVLJE III. R E Z I M E**

Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2022. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2022. nastojala je dati doprinos uspješnom radu Doma naroda.

Predsjedavajući Komisije  
**Safet Softić**

Prilog:

Tabela 1. Pregled sjednica Komisije s tačkama dnevnog reda i prisustvom  
1. 1 - 31. 12. 2022.

Broj i datum održavanja	Broj razmatranih tačaka	Prisustvo članova (%)
19. sjednica 22. 2. 2022.	11	83
20. sjednica 23. 3. 2022.	3	67
21. sjednica 12. 5. 2022.	16	83
22. sjednica 14. 6. 2022.	10	83
23. sjednica 26. 7. 2022.	8	67
24. sjednica 23. 8. 2022.	5	67
<b>Ukupan broj sjednica: 6</b>	<b>Ukupno tačaka: 53</b>	<b>Prosjek prisustva: 75%</b>

Tabela 2. Prisustvo sjednicama Komisije, 1. 1 - 31. 12. 2022.

Sjednice/članovi	Amir Fazlić	Marina Pendeš	Duškanka Majkić	Munib Jusufović	Zlatko Miletić	Mladen Bosić	Ukupno
19. sjednica 22. 2.	+	+	+	+	+	- (O)	<b>5</b>
20. sjednica 23. 3.	+	+	+	- (O)	+	- (O)	<b>4</b>
21. sjednica 12. 5.	+	- (O)	+	+	+	+	<b>5</b>
22. sjednica 14. 6.	+	+	- (O)	+	+	+	<b>5</b>
23. sjednica 26. 7.	+	+	+	- (O)	+	- (O)	<b>4</b>
24. sjednica 23. 8.	+	+	+	- (O)	+	- (O)	<b>4</b>
<b>Ukupno</b>	<b>6/6</b>	<b>5/6</b>	<b>5/6</b>	<b>3/6</b>	<b>6/6</b>	<b>2/6</b>	<b>27/36</b>
<b>%</b>	<b>100</b>	<b>83</b>	<b>83</b>	<b>50</b>	<b>100</b>	<b>33</b>	<b>75</b>

Legenda: (O) – Opravdano odsutan

### *Prilog 3. Međunarodni sporazumi*

1. Sporazum o grantu za tehničku pomoć između Bosne i Hercegovine i JP Autoceste FBiH d. o. o. Mostar i Evropske investicione banke u vezi s konsultantskim uslugama za nadzor nad radovima na izgradnji Koridora 5c u Bosni i Hercegovini (poddionica Počitelj – Zvirovići);
2. Sporazum o izmjenama i dopunama Sporazuma o finansiranju i projektu „Energetska efikasnost u javnim zgradama - RS“;
3. Sporazum između Vijeća ministara Bosne i Hercegovine i Vlade Republike Srbije o zajedničkim lokacijama na graničnim prijelazima i Aneks Sporazuma između Vijeća ministara Bosne i Hercegovine i Vlade Republike Srbije o zajedničkim lokacijama na graničnim prijelazima za zajedničku lokaciju na graničnom prijelazu Bratunac (Novi most) - Ljubovija (Novi most);
4. Sporazum između Vijeća ministara Bosne i Hercegovine i Vlade Republike Srbije o graničnim prijelazima;
5. Akti Svjetske poštanske unije, usvojeni na 3. vanrednom kongresu Svjetske poštanske unije, održanom 2019. godine u Ženevi;
6. Sporazum o grantu za Program vodosnabdijevanja i sanitarnih usluga u Republici Srpskoj: Lokanj – Pilica: Vodosnabdijevanje faza 1 i postrojenje za prečišćavanje otpadnih voda za naselje Tabanci u gradu Zvorniku;
7. Sporazum o grantu za projekat u Federaciji Bosne i Hercegovine: Ulaganja u vodosnabdijevanje na desnoj obali rijeke Vrbas i smanjenje gubitaka vode u općini Jajce;
8. Dopuna broj 1 Ugovora o finansiranju Godišnjeg akcionog programa za Bosnu i Hercegovinu za 2019. godinu;
9. Izmjene i dopune u vezi sa Sporazumom o investicionom grantu Mediteranski koridor (R2a): Bosna i Hercegovina – Putna interkonekcija s Hrvatskom „Izgradnja prekograničnog mosta u Gradišci“;
10. Sporazum o finansiranju Godišnjeg akcionog programa za Bosnu i Hercegovinu za 2020. godinu;
11. Sporazum o japanskoj bespovratnoj pomoći u iznosu od 100.000.000 japanskih jena za opremanje medicinskih ustanova u Bosni i Hercegovini;
12. Sporazum o japanskoj bespovratnoj pomoći u iznosu od pet stotina miliona japanskih jena;
13. Aneks I. Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima za zajedničku lokaciju na graničnom prijelazu Deleuša – Vraćenovići; Aneks II. Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima za zajedničku lokaciju na graničnom prijelazu Hum – Šćepan-Polje; Aneks III. Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima za zajedničku lokaciju na graničnom prijelazu Sitnica – Zupci i Aneks IV. Sporazuma između Vijeća ministara BiH i Vlade Crne Gore o provođenju graničnih provjera na zajedničkim

- graničnim prijelazima za zajedničku lokaciju na graničnom prijelazu Klobuk – Ilino Brdo;
14. Sporazum o izmjenama i dopunama Sporazuma između Vijeća ministara Bosne i Hercegovine i Vlade Crne Gore o graničnim prijelazima za pogranični saobraćaj;
  15. Sporazum o zaštiti tajnih podataka između Vijeća ministara Bosne i Hercegovine i Vlade Mađarske;
  16. Sporazum između Bosne i Hercegovine i Evropske unije o učešću Bosne i Hercegovine u programu Unije Horizont Evropa – Okvirni dokument za istraživanje i inovacije;
  17. Sporazum između Vijeća ministara Bosne i Hercegovine i Vlade Savezne Republike Njemačke o obavljanju plaćene djelatnosti članova porodica članova diplomatskog ili konzularnog predstavništva;
  18. Sporazum o izgradnji međudržavnog mosta preko rijeke Tare na spoju magistralnog puta M-18 na lokaciji Hum (Bosna i Hercegovina) i magistralnog puta M-3 na lokaciji Šćepan-Polje (Crna Gora) i priključnih graničnih dionica;
  19. Ugovor o zajmu „Zeleni gradovi 2 – Window II Vodovod Brčko“;
  20. Sporazum između Vijeća ministara Bosne i Hercegovine i Vlade Ujedinjenog Kraljevstva Velike Britanije i Sjeverne Irske o zapošljavanju članova porodica koji čine dio domaćinstva članova diplomatsko-konzularnih misija;
  21. Sporazum između Vijeća ministara Bosne i Hercegovine i Vlade Australije o zapošljavanju članova porodica diplomatsko-konzularnog osoblja;
  22. Ugovor između Bosne i Hercegovine i Češke Republike o socijalnom osiguranju;
  23. Administrativni sporazum za provođenje Ugovora o socijalnom osiguranju između Bosne i Hercegovine i Češke Republike;
  24. Sporazum između Vijeća ministara Bosne i Hercegovine i Vlade Republike Srbije o pograničnom saobraćaju;
  25. Sporazum o finansiranju Programa aktivnosti prekogranične saradnje Bosna i Hercegovina – Crna Gora za 2018-2020. za 2020. godinu;
  26. Ugovor o grantu - Regionalni projekat čvrstog otpada u Živinicama;
  27. Protokol kojim se mijenja i dopunjuje Konvencija o zaštiti pojedinaca u vezi s automatskom obradom ličnih podataka;
  28. Ugovor o grantu - Koridor 5c u FBiH – dio 3 – poddionica: Poprikuše - Nemila;
  29. Ugovor o grantu - Koridor 5c2 u FBiH – dio 3 – poddionica: Tunel;
  30. Okvirni sporazum o finansijskom partnerstvu između Evropske komisije i Bosne i Hercegovine o posebnim aranžmanima za provođenje finansijske pomoći Unije Bosni i Hercegovini u okviru Instrumenta prepristupne pomoći (IPA III)
  31. Sporazum o grantu od 4. 7. 2022. i Amandman br. 8 na Sporazum o finansiranju – Ublažavanje uticaja pandemije Covid-19 na mikro, mala i srednja preduzeća (MICMSME) – putem Evropskog fonda za Bosnu i Hercegovinu (EFBH), faza 2;
  32. Ugovor o zajmu - GrCF2 W2 – Javni prijevoz Sarajevo *e-Mobility*;
  33. Sporazum o saradnji između Bosne i Hercegovine i Sudske administracije Norveške koji se odnosi na finansiranje projekata u korist pravosuđa u Bosni i Hercegovini.